

DE  
**ACIDORUM SUMPTORUM VI**  
**IN URINÆ ACOREM.**

DISSE~~R~~TATIO INAUGURALIS

QUAM  
CONSENSU ET AUCTORITATE  
GRATIOSI MEDICORUM ORDINIS

IN  
**UNIVERSITATE LITERARUM CAESAREA**  
**DORPATENSI**

A D G R A D U M  
**DOCTORIS MEDICINAL**  
RITE ADIPISCENDUM

LOCO CONSUETO PUBLICE DEFENDET

AUCTOR

***Theodorus Eylandt,***  
*Revalensis.*

---

DORPATI LIVONORUM,  
TYPIS HENRICI LAAKMANNI.  
MDCCCLIV.

Imprimatur

baec dissertatio ea conditione, ut, simulac typis fuerit excusa, numerus exemplorum lege praescriptus tradatur collegio ad libros explorandos constituto.

Dorpati Liv. die 22. m. Maji a. 1854.

(L. S.)

Dr. **Bidder**,  
ord. med. h. t. Decanus.

D 12796.

## PROCEMIUM.

**I**n eligendo arguento, de quo dissertationem conscriberem, optimam me viam ingressum esse arbitror. Descriptio critica morborum, qualis saepe exhibetur, magnam requirit literarum medicarum cognitionem atque peritiam propriam uberiorem, quarum vero utraque medicis tironibus abest: quo fit, ut utilitas practica ejusmodi descriptionis criticae tum proposito, quod quis assequi voluerit, tum opera, quam in ea re consumserit, longe inferior existat. Alia certe est pertractatio thematis vere practici, quod ipsis disquisitionibus nititur: nam eventus inde deducti, quamquam non semper

digni jam sunt, quos expletos et perfectos dicamus, nihilo tamen minus respiciendi videntur, neque raro etiam causam inferunt, ut aliae posthac disquisitiones ratione critica suscipiantur.

Denique non possum, quin Dr. Buchheim, professori doctissimo illustrissimo, qui in eligendo argumento idoneo nec non in agendis disquisitionibus comiter ac benevole me adjuverit, gratias quam maximas persolvam.

**Q**uum disquisitiones a me institutae hoc maxime spectent, ut demonstretur, num et quantum urina statu normali acida, exhibitis intrinsecus acidis, reactionis fiat acidioris, hoc loco satis idoneum esse reor, priusquam ad rem ipsam aggrediar, quaedam de urinae normalis aciditate exponere. Nimirum tantum disquisitiones, a viris chemiae peritis susceptae, breviter afferri possunt, quum pro manca ejus rei cognitione procul certe absim, ut analysin, a chemicis praestantissimis institutam, ad explorandum illud principium, quo urina normalis acida reddatur, denuo disquiram et perscruter.

Urinam recens emissam hominum sanorum acidae esse reactionis atque igitur chartam heliotropio tintcam modo magis modo minus rubefacere, jam multo abhinc tempore usu cognitum est; nihilo secius vero de principio illo, ex quo urinae aciditas pendeat, diu chemici inferioris aetatis inter se controversati sunt. Fuerunt,

qui acidum lacticum, immo acidum aceticum libere in urina versari dicerent. Liebig, vir doctissimus illustrissimus, illam tandem quaestionem dijudicavit, argumentisque probavit, reactionem acidam urinae normalis nisi ex natro phosphorico acidulo pendere non posse, quum solutio aquosa natri phosphorici vulgaris, alcalice reagentis, addito paullatim acido urico, quod nullam in plantarum colores reactionem exhibeat, simulac calefacta sit, chartam heliotropio tintam rubefaciat: ex quo liquore, dum refrigescat, pulvis crystallinus albidi coloris deponatur, qui sub microscopio multos crystallos prismaticos pulcherrimos natri urici efficiat. Si igitur fieri potest, ut acidum imbecillissimum, quale est acidum uricum, natro phosphorico partem basis detrahatur, haud facile quisquam negaverit, acida fortiora, ut acidum hippuricum, lacticum, sulfuricum, ut primum evoluta sint in vicissitudine materiae animali, natrum phosphoricum neutrale in sal acidum mutare posse, quod induita hac forma simul cum exorto natro hippurico et lacticco et sulfurico in urinam transeat. Lehmann<sup>1)</sup>, vir clarissimus, ex cuius libro illa modo allata petivi, haec ultra refert: «Gälte diese Erklärungsweise von der Acidität eines jeden Harns, so dürfte der frische Harn nie mehr Basis sättigen, als seinem Gehalte an phosphorsaurem Natron entspricht.» His expositis Lehmann methodum suam, quam ingressus copias natri phosphorici aciduli computaverit, satius explicat, atque eum nanciscitur eventum, ex quo patet, haud raro ex

ejus disquisitionibus omnino non plus natri phosphorici aciduli computatum esse, quam secundam aliam analysis urina re vera continetur; verumtamen saepius rem contrariam esse cognovit, et inde conclusit, plerisque in casibus praeter natron phosphoricum in urinā acidum organicum liberum vel aliud sal acidum, quod chartam heliotropio tintam rubefaciat, inesse debere, quae copia superflua ad acidi lactici aut acetici formationem, urina emissā celeriter exortam, referri possit; nihilominus vero in urina vitiosa praeter natron phosphoricum non raro tantum superesse acidi liberi, ut, quod modo contra dictum sit, vix hac in re respici queat. Itaque reactio urinae acida multis in casibus non solum a praesente natro phosphorico acidulo, sed ab acido etiam lactico et hippurico proficiscitur.

Ex omnibus, quae adhuc usque de partibus excreta diversa constituentibus comperimus, satis liquet, urinæ secretionem ad id potissimum destinatam esse, ut acida ex vicissitudine materiae animali profecta, sive libera, sive basibus adstricta occurrant, quatenus in corpore non dissolvantur, ex eodem excernat: quae res, si urina normalis acidæ est reactionis, simplicissime ex copiis diversis acidorum basiumque, in urinam transeuntium, explicari potest. Immo haec ratio impar accidentibus quibusdam conditionibus multum augeri potest; sic enim in postremo inanitionis stadio copia acidi sulfurici et phosphorici partium constituentium anorganicarum, si alias spectemus partes urinam constituentes, magnopere accrescit, urina ideo fit acidior, pariter atque ex contrario copia basium, quae urina continentur, adeo accrescere potest, ut urina reactionem exhibeat alcalicam.

1) Lehrbuch der physiologischen Chemie, Leipzig 1850.  
Tom. II. pag. 399.

Hinc facile exstitit quaestio, an non et ipsa acida, quae praeformata et statu libero corpori ingererentur, urinam acidorem redderent: ejusmodi enim acida in urina rursus apparere, satis inter omnes constat: quapropter, si jam urina statu normali reactionem praefbeat acidam, quanto etiam magis, illatis extrinsecus acidis praeformatis, ea reactio necesse est adaugeatur. Quatenus vero, quod modo conclusum est, ipsa natura probari possit, hoc tandem mihi propositum erat, ut disquirerem et experirer.

Verumtamen me non praeterit, in solvenda hac quaectione eventus certiores nisi maxima cum difficultate obtineri non posse, quum magnitudo aciditatis urinae normalis, qua disquisitiones meae nituntur, perpetuis mutationibus obnoxia sit, quae partim ex toto regimine diaetetico uniuscujusque hominis, partim vero ex acidi lactic et acetici evolutione, post evacuatam urinam saepe celeriter exorta, nec non ex dissolutione ureae, quae urina emissa procedat, efficiantur. Ut cunque se habuerit res, nihilominus tamen, evitatis quam maxime omnibus momentis, quae in urinae indolem manifestius agerent, ad eventus me pervenire posse arbitratus sum, qui ad verum quam proxime accederent.

### Disquisitiones a me institutae.

Ad statuendum urinae aciditatis gradum ad hoc tempus duae propositae sunt methodi. Ita Simon<sup>1)</sup>

censuit, certam quandam urinae copiam cum solutione aquosa heliotropii ita miscendam esse, ut color manifesto rubidus oriatur, deinde peragitando liquorem dilutum ammonii caustici guttatum usque eo esse adjiciendum, quoad color rubidus in caeruleum mutetur; ex copia adhibiti liquoris ammonii caustici, in quo quantum insit ammoniaci quisque noverit, acidi lactici liberi copiam facile computari posse. Ex quo autem Liebig natron phosphoricum acidulum urinam acidam reddere testatus erat, methodus a Simon proposita necesse erat minus certa et accurata evaderet, idque propterea, quod, si quis urinam cum tanta alcali copia commiscerat, ut neque acide neque alcalice reageret, etiamtum natron phosphoricum acidulum in urina solutum adesse oportebat; nam natron phosphoricum neutrale alcaliae est reactionis, ergo sal acidulum, si urina nullam in plantarum colores vim exerceat, nondum neutralizatum est. — Quum vero et ipse Lehmann<sup>1)</sup> maximo jure illud contradixerit, methodumque subtiliorem (quam hoc loco praetermitto), ad statuendum urinae aciditatis gradum proposuerit atque executus sit, nihilominus tamen in adhibenda methodo cum Simoniana parallela, qua disquisitiones meae nituntur, nihil admodum me peccavisse reor, nam copia deficiens, quam Lehmann in urina alcali alicuius ope neutralizanda adesse demonstrat, per omnia experimenta a me suscepta ratione producitur, ergo neutiquam eventus, quos nactus sum, omnino extingui potest.

1) Physiologische et pathologische Anthropochemie. Berlin 1842. Tom II. pag. 348.

1) Lehrbuch der physiologischen Chemie. Leipzig 1850. Tom II. pag. 399.

In agendis disquisitionibus haec a me instituta est ratio. Urina disquirenda per viginti quatuor horas collecta, deinde trutina examinata est. Ad cognoscendam urinae aciditatem minime equidem, sicut Simon, solutionem aquosam heliotropii, quae ceterum ad explorandos liquores non coloratos perquam apta est, sed scidulas chartae heliotropio tintas adhibui. Ut praeterea in definiendo urinae aciditatis gradu eventum quam accuratissimum nanciscerer, non omnem urinae copiam per viginti quatuor horas redditam, sed plures simul copias majores 150 grammatum perscrutatus sum, ex quibus, si inter se congruerent, certi aliquid concludi posset. Ad statuendum aciditatis gradum solutione kali caustici siccii diluta usus sum, in qua, quantum kali caustici puri inesset, ita computabatur, ut copia pensata acidi sulfuri diluti, (haec quoque ex praeципitatione barytae muriaticae ope instituta definita erat) neutralizaretur. Ut kali solutio quam cautissime urinae adjiceretur, tubulo usus sum vitro, angusto cylindrico, centimetris et millimetris cubicis distincto, cujus exitus alter in apicem tenuem productus erat ita, ut kali solutio ad libidinem adjici, atque secundum lineas, quibus partes singulae notabantur, computari posset, quantum centim. et millim. cub. solutionis kali ad neutralizandam urinam opus fuisset. Solutio kali neutralizandis 150 gramm. urinae adhibitis ad totam urinae copiam per viginti quatuor horas emissam relata est, tum ex iis, quae producta sunt, statuimus, quantum kali caustici siccii puri re vera adhibitum esset.

Denique commemoraverim, disquisitiones, quo certiores fierent, non solum ad meam ipsius, sed etiam

ad aliorum virorum duorum urinam pertinuisse. Vivendi ratio, quam viri tres sequebantur, inter omne experimentorum tempus eadem erat, atque antea assueverant; rauitations illius, si quae intercesserant, respiciebantur, neque urina tum explorabatur.

### **Disquisitio urinae normalis.**

Effectus, si quem acida in urinam praestiterint, nimurum tum tantum statui poterit, si definitio quantitativa aciditatis urinae normalis antecesserit. Disquisitiones igitur ab urina normali inceptae sunt.

Ex repetitis urinae analysibus jam diu cognitum est, rationes quantitativas singularum partium urinam constituentium in uno eodemque homine sano, ubi vitae consuetudo alioquin sibi constaret, multis institutis experimentis sane variare: quae tamen varietas non tanti fuerit momenti, ut licitum non sit, ex eventibus plurimorum experimentorum, quae de rationibus quantitatibus singularum partium urinam constituentium susceptae fuerint, rationem medium deducere eamque velut basin proponere, ex qua copia normalis partis urinam constituentis, de qua forte agitur, definiri possit.

Quam ob rem et equidem ipse omnes semper copias adhibiti kali caustici siccii, quibus ad perfectam saturationem opus esset, collegi atque ex multitudine experimentorum numerum medium constitui. Urina virorum, qui experimentorum participes erant, litteris **A, B, C** significata est:

	Urinae per 24 horas redditae grammata.	Adhibiti Kali caustici sicci grammata.	Numerus medius.
<i>A.</i>	1376,4	0,476	
	1305,4	0,395	0,415
	1580,5	0,47	
	1381	0,321	
	2338,7	1,003	
<i>B.</i>	1931,7	0,952	1,078
	867,2	1,225	
	1889,2	1,132	
	1500,7	1,158	
	1262,7	1,129	1,097
<i>C.</i>	1155,7	1,172	
	1457,2	0,931	

Numeri medii hac in tabula propositi omnibus, quae sequuntur, disquisitionibus fundamento erunt, quatenus ex iis tantum quaestio solvi potest, utrum post usum acidorum internum aciditas urinae augeatur nec ne.

### Disquisitio urinae adhibitis singulis sacchari albi uncis instituta.

Ut inferius de hac re exponam, acida mineralia atque acidum tartaricum et citricum sub forma aquae limonatae sumpta sunt. Copiae sacchari hunc in modum adjecti haud parvi aestimari poterant; quam ob rem urinae disquisitionem post sacchari albi usum eo magis necessariam arbitrabar, quod jam ab aliis obser-

vatum erat, ubi quis saccharum sumpserit, ibi urinam manifesto minus acide, immo adeo alcalice reagere. Ita enim Bernard cani et cuniculo solutionem sacchari grumosi in venas injecit, neque illam tamen in urina reperire potuit; urina autem alcalica reddita erat. Lehmann<sup>1)</sup> ipse in experimentis iis, ubi per biduum nihil nisi saccharo, adipice, amylo, ergo alimentis azoto et alcali parentibus vesceretur, urinam suam perquam acidae esse reactionis cognovit. His experimentis admonitus, operae pretium esse censui, si ejus rei periculum instituerem. Tres igitur omnes tempore vespertino, antequam cubitum iremus, quisque sacchari albi unciam sumpsimus atque deinde proximis 24 horis urinam collegimus. Disquisitio hos, qui traditi sunt in tabula, eventus praebuit:

	Urinae per 24 horas redditae gramm.	Adhibiti kali caustici sicci gramm.
<i>A.</i>	2092,1	0
<i>B.</i>	1290,3	0,713
<i>C.</i>	1861,7	0,96

Urina igitur in *A* neutralis redditae erat, in *B* et *C* minus acida. Nimis temere profecto agerem, si ex periculo semel tantum suscepto statim certius aliquid concludere vellem, quod ad omnes casus valeret; at nihilo

1) Lehmann, Lehrbuch der physiologischen Chemie. Leipzig 1850. Tom II. pag. 300.

tamen minus eventu in tribus hominibus diversis plane congruo aliquatenus saltem probari mihi videtur, saccharum album, quum per organismum vehatur, hunc in modum immutari posse, ut, specie mutata per renes excretum, urinam minus acidam reddat. Disquisitiones, quae tempore recentissimo de sacchari per organismum animalem provecti mutatione sunt institutae, rem illam plane comprobant. Ita Becker<sup>1)</sup> experimenta circa saccharum in cuniculis instituit, unde evidentissime patet, 1) partem majorem sacchari una cum alimentis sumpti, aut demum in tractu intestinali evoluti, integrum in sanguinem transire, idque secundum leges endosmoticas; 2) ubi animalia cibi avidissima essent, ibi saccharum quoque integrum in urinam perferri. In judicandis vero his eventibus respiciendum est, tractui intestinali atque sanguini longe plus sacchari illatum esse, quam statu normali in concoquendis alimentis amylaceis eodem simul tempore formari posset. Altera autem sacchari pars eo potissimum, quod succus entericus vim exerceat, processu fermentationis exerto in acidum lacticum mutatur, id quod ceterum satis cognitum est. Idem testantur disquisitiones, a Lehmann in equis institutae, quos alimentis saccharo abundantibus aluerat; quae intestino duodeno et jejunio, praecipue vero coeco continebantur, acidissime reagebant. Acidum lacticum in intestinis exortum, si minor est ejus copia, agentibus alkalibus succi enterici jam neutralizari aut, si major, aliqua ex parte in ipso sanguine alkalibus saturari potest.

1) Lehmann, Lehrbuch der physiologischen Chemie. Leipzig 1853. Tom III. pag. 243 et seqq.

Quae connubia alcalica ulterius sub conditionibus, quarum postea, ubi de acido tartarico et citrico acturus ero, mentionem faciam, in sanguine ad salia carbonica concremantur, atque, dum in urinam transeunt, reactionem ei alcalicam tribuunt; at eadem quoque conditiones causam inferunt, cur saccharum in sanguinem transiens celeriter evanescere possit, quum ad aquam et acidum carbonicum concremetur.

Diximus supra, sacchari usu aciditatem urinae non nihil deminui posse; num autem idem semper eveniret, si sacchari copia experimentis pluries adhiberetur, hoc in medium relicturn est; certe vero, ubi aquae limonatae acidae adhibitae fuerint, eaeque ad urinae aciditatem vim habuerint, eventus ille nunquam ullum discrimen afferre poterit.

### Disquisitio urinae post usum acidorum.

In adhibendis acidis hanc rationem secuti sumus. Tempore vespertino, quum cubitum iremus, prout acidi indoles et copia erat, modo totam dosin, modo alteram ejus partem dimidiam, alteram vero postero mane exhausimus. Urinam proximis 24 horis excretam, ut perscrutarer, excepiimus: quo tempore elapso nullum sumpsimus acidum, sed urinam proximis 24 horis redditam collegimus, camque postea exploravi, quum accidere nimirum posset, ut acidum, de quo agebatur, primo 24 horarum periodo nondum omnino excerneretur. Urina, ex 24 horis deinceps sequentibus collecta, in tabula, qua doses acidorum traditae exstant (vide tabulas indices)

signo «O» notata est. De acidis aliis tria, de aliis duo instituta sunt experimenta.

Acida mineralia atque acidum tartaricum et citricum adjecto saccharo, alia simpliciter addita tantum aqua exhausimus. Quamquam doses, quales in tabulis allatae sunt, non erant parvae, vix tamen ulli in valitudine prospera effectus graviores accedebant. Quod C. G. Lehmann<sup>1)</sup> admonuit, agente acido benzoico largissimam sudoris secretionem provocari, non possum, quin ei quam maxime repugnem; nam nemo nostrum, quamquam sexagenā grana acidi benzoici ter quisque adhibuimus, idem observare potuit; praeterea momenta sudori, ut exoriretur, eatenus etiam favebant, quum, simulac dosin sumpsimus, statim lectulo calido quisque incumberemus.

In tabulis, quae infra sequuntur, unam nomine copiae kali superfluae significavi, quo indicetur, quanto urinae aciditas post usum acidorum major evaserit; in acidis iis, quorum doses pares in experimentis singulis sumebantur, numerus medius juxta adiectus est.

1) Lehmann, Lehrbuch der physiolog. Chemie, Leipzig 1850. Tom I. pag. 88.

### Acida anorganica.

Sumpti acidi grana.	Urinae per 24 horas red. ditae gramm.	Adhibiti kali caustici sicci gramm.	Copiae kali super- fluae gramm.	Numerus medius copiae superflua- gramm.
Acidum sulfuricum. 1,852 pond. spec.				
<i>A.</i>	10	1572	0,658	0,255
	0	1745	0,427	
	10	1910	0,998	0,583
	0	1941	0,402	
	10	2034	0,759	0,404
	0	2056	0,475	
	10	1512	1,575	0,497
	0	1300	0,445	
	10	2342	1,222	0,165
	0	836	1,099	
<i>B.</i>	10	1340	1,391	0,405
	0	994	1,17	
	10	1127	1,301	0,204
	0	1314	1,073	
	10	2442	1,54	0,617
	0	977	1,271	
	10	1261	1,026	0,358
	0	1815	1,455	
	Acidum nitricum, 1,41 pond. spec.			
	20	1869	0,810	0,862
<i>C.</i>	0	1443	0,882	
	20	2529	0,983	0,848
	0	2088	0,695	
	0,855			

	Sumpti acidi grana.	Urinae per 24 hor. red- ditae gramm.	Adhibiti kali caust. sicci gramm.	Copiae kali superfluae gramm.	Numerus medius copiae superfluae gramm.
B.	20	878	1,833	1,238	
	0	1598	1,561		1,172
	20	1323	1,558	1,107	
	0	1199	1,705		
	20	1300	1,69	0,965	
	0	1017	1,469		0,973
	20	2241	1,817	0,981	
	0	1887	1,358		
Acidum phosphoricum. 1,16 pond. spec.					
C.	20	824	1,754	0,756	
	0	1124	1,158		0,663
	20	1384	1,522	0,571	
	0	1206	1,205		
	20	2184	1,688	0,884	
	0	1705	1,39		
	20	1764	1,737	0,828	0,856
	0	1833	1,285		
Acidum muriaticum 1,158 pond. spec.					
A.	40	3781	1,188	0,956	
	0	1633	0,598		
	60	2283	0,819	1,209	
	0	1903	1,22		
	20	1630	1,358	0,261	
	0	920	1,011		
	40	1411	1,478		
	0	1369	1,379	0,672	
C.	60	2212	1,477		
	0	2423	1,682	0,965	

Hae tabulae eventum offerunt plane prosperum. Aciditas urinae normalis post usum quatuor acidorum, quae supra dicta sunt, augetur, et satis quidem ratione in iis, qui ejus rei participes fuerunt. Praeterea experimentis de acido muriatico institutis probatur, ubi acidi doses magis magisque augeantur, ibi ipsam acidi liberi copiam in urina constanter accrescere; denique acidum per urinae secretionem maxima ex parte jam primis 24 horis excerni.

Testibus quoque iis disquisitionibus, quas Bence Jones<sup>1)</sup> instituit, ex usu quotidiano trium drachmarum acidi sulfurici diluti aciditas urinae augebatur.

Itaque satis constat, acida mineralia, quae inde ex tractu intestinali in sanguinem perferantur, per urinam rursus excerni, ejusque aciditatem augere; modo ne quis cogitatione sibi finxerit, ac si ipsa acida mineralia statu libero in urina inveniantur, immo potius illa iisdem servatis connubiis, quae in tractu intestinali et in sanguine subeunt, etiam in urinam, ergo induita forma salium alcalium, ac quidem statu non dissoluto perferuntur. Quod urinae aciditas post usum acidi nitrici magnopere accrescit, hinc illa quoque opinio refellitur, quam qui proposuerunt, acidum illud in ventriculo et in tractu intestinali desoxydari et interdum sub forma azoti oxydulati exhalari statuunt. Quum vero, quo tempore acida mineralia sub forma salium alcalium per urinae secretionem excernuntur, eo simul urinae aciditas augeatur, nimirum praesentibus, quae plurima corpori

1) Philos. transact. Pars II. 1849.

illata sunt, acidis mineralibus necesse est in tractu intestinali et in sanguine non solum alcalia libera, verum etiam albuminas natri sanguinis neutralizentur, nec non ea salia alcalia, quorum acida in neutralizando minorem alcalium copiam requirunt, aut plane dissolvantur ita, ut eorum acida libera fiant, aut ipsa illa in salia acida mutentur, atque hoc statu mutato in urinam transeant ejusque aciditatem adaugeant.

### Acida organica.

	Sumpti acidi grana.	Urinae per 24 horas red. ditae gramm.	Adhibiti kali caustici sicci gramm.	Copiae kali super- fluæ gramm.	Numerus medius copiae superfluæ gramm.
Acidum tartaricum.					
A.	30	1901	0,863	0,629	
	0	560	0,596		
B.	60	1392	0,848	0,798	
	0	1985	0,78		
A.	30	2232	1,317	0,239	
	0	2206	0,435		
B.	60	1916	0,733	0,454	
	0	1020	1,532		
C.	60	1054	1,451	0,373	
	0	1257	1,060		
A.	60	985	1,595	0,417	
	0	1311	0,993		

Sumpti acidi grana.	Urinae per 24 hor. red. ditae gramm.	Adhibiti kali caust. sicci gramm.	Copiae kali superfluæ gramm.	Numerus medius copiae superfluæ gramm.
C.	60	1570	1,718	0,864
	0	2443	1,34	
	60	2015	1,562	0,647
	0	2104	1,279	
Acidum citricum.				
A.	60	1689	0,918	0,856
	0	2562	0,768	
	60	1908	0,763	0,884
	0	1587	0,951	0,77
B.	60	2037	0,744	0,572
	0	1084	0,658	
	60	1212	1,226	0,714
	0	729	1,664	
C.	60	1831	1,667	0,589
	0	787	0,918	0,629
	60	1183	1,462	0,585
	0	1514	1,279	
A.	60	2504	1,39	0,474
	0	2449	1,278	
	60	3091	1,717	0,62
	0	1786	1,091	0,62
B.	60	1279	1,7	0,767
	0	2044	1,261	
Acidum succinicum.				
15	2593	0,726	0,439	
0	1741	0,543		

Sumpti acidi grana.	Urinae per 24 horas red- ditae gramm.	Adhibiti kali cautici sicci gramm.	Copiae kali superfluae gramm.	Numerus medius copiae superfluae gramm.
<i>A.</i>	60	2151	1,182	0,968
	0	2245	0,616	
	60	2207	1,011	0,596
	0	—	—	—
	15	1282	1,175	0,506
	0	2103	1,487	
	60	2086	1,338	0,628
	0	909	1,446	
	15	2400	1,024	0,251
	0	2059	1,348	
<i>B.</i>	60	2540	1,463	0,504
	0	1913	1,235	
	60	1689	1,545	0,448
	0	1187	0,919	
	<i>Acidum benzoicum.</i>			
	60	2033	0,948	0,666
	0	1854	0,548	
	60	1924	1,026	0,712 0,693
	0	2331	0,516	
	60	2513	1,116	0,701
<i>C.</i>	0	1659	0,336	
	60	1281	1,631	0,716
	0	1016	1,241	0,608
	60	951	1,578	0,5
	0	1166	0,881	
	60	2099	1,702	0,694
	0	1149	1,186	0,775
	60	2179	1,557	0,857
	0	1431	1,494	

### Acidum tartaricum et acidum citricum.

Experimenta, quae circa acida supra dicta institui, urinam haud dubie acidorem fieri demonstrant. Haec acida statu integro in urinam perforuntur, verumtamen pariter atque acida mineralia illa quoque in tractu intestinali et in sanguine cum alkalibus conjunguntur, ideoque in sanguine sub forma salium moventur. Qualis sit horum salium in sanguine ratio, diu inter viros doctos disceptatum est. Wöhler, vir illustrissimus, primus admonuit, salia alcalica vegetabilia, cum alimentis recepta, in sanguine oxydari, deinde sub forma alkali carbonici in urinam transire, eamque alcaliam reddere. Testante Krukenberg<sup>1)</sup> plerumque copiae peregrinae, uti cochlearia aliquot pulpae ex malis paratae, duodena pruna cocta, jam sufficient ad urinam eo modo mutandam, quo supra diximus. Contra ea C. Schmidt,<sup>2)</sup> et Hoeffle<sup>3)</sup>, viri doctissimi, sumptis permultis uvis cerasisque urinam nihilo magis acidam redditam viderunt: quae res aliis momentis secundariis non cognitis falso attribuitur, nam satis constat, in fructibus modo dictis praeter salia vegetabilia etiam acidum liberum citricum et tartaricum et malicum inesse, quae non aliter ad urinam vim habere possint, nisi

1) Zeitschrift für rationelle Medicin, Tom III. Pag. 75.

2) Entwurf einer allgem. Untersuchungsmethode der Säfte und Excrete. Pag. 62.

3) Chemie und Mikroskop am Krankenbette. Pag. 330.

quum per se sola sumpta fuerint. Beneke<sup>1)</sup> idem observavit atque C. Schmidt et Hoefle; refert enim haec: «An Tagen, wo vegetabilische Nahrungsmittel, die die zunächst nach dem Genusse entleerten Urinquantitäten bekanntlich schwach sauer oder alkalisch machen, genossen wurden, zeigte die 24stündige Gesammtquantität der freien Säure keineswegs eine Abnahme, so am 13., 15., 18. September etc. nach dem Genusse von Apfelsbrei oder Pfirsichen, und ebenso wenig lassen sich mit Berücksichtigung anderer Verhältnisse der Diät die Schwankungen des Säuregrades erklären.» Ubi quis igitur pultem ex malis paratam vel mala persica sumpserat, ibi copia universalis acidi liberi, quae per 24 horas collecta erat, neutiquam ullo modo decrescere videbatur. Sed hac in re Beneke, quod dolendum sane est, quaevis alimenta vegetabilia promiscue confudit; nam fieri eodem tempore minime poterat, ut puls ex malis parata vel mala persica, quae quis sumpserit, urinae copias proxime post usum illorum evacuatas leviter acidas aut alcalicas redderet; hinc denique etiam temerarie illud ac nimis festinanter a Beneke conclusum esse arbitror. Momenta diaetetica haud dubie adjuvant, ut urinae aciditas varie mutetur; neque minus et ipse Beneke alio loco monet, ut in exploranda urinae aciditate quam maxime diaeta respiciatur. Benę Jones<sup>2)</sup>

adhibito etiam acido tartarico puro quasdam instituit disquisitiones, ex iisque urinae aciditatem magnopere augeri cognovit; ubi autem kali tertarico usus erat, urinam intra 35 sexagesimas alcalicam redditam videbat.

Qui sit vero, ut salia vegetabilia, quae praeformata organismo inferuntur, in sanguine ad salia carbonica oxydentur, acidaque organica, si statu libero in corpus perveniunt, itidemque sub forma salium vegetabilium in sanguine moventur, oxydationem non subeant? Cognitum atque probatum est evidentissime, substantias omnino oxydabiles, simulac sanguine sint receptae, ejusdem oxygenio oxydari. Quae oxygenii proclivitas cum aliis substantiis se conjugendi praesentibus alcalibus insignem in modum augetur. Salia vegetabilia, praesertim ubi alcalia abundant, etsi parcus accidente oxygenio in salia carbonica dissolvuntur (in laboratorio); in sanguine autem ea oxydatio etiam celerius procedit, quam tum adeo; quum salium connubia, quae supra dixi, in cineres rediguntur. Neque minus saccharum in sanguine circulante processu concremationis in aquam et acidum carbonicum transformatur, eo tamen discrimine, quod integrum in urina illud re vera existere possit, si alcalia in sanguine ad sustentandam oxydationem parum suppetiverint, vel ut aliis verbis utar, si sacchari copiae immodicae in sanguinem pervenerint.

Quod igitur salia vegetabilia, dum in sanguine circulantur, modo urinam alcalicam, modo acidiorum redundat, quam quae statu est normali, ejus rei causa non sita est nisi in copiis diversis alcali utroque in casu concurrentis. Salia vegetabilia, quae praeformata or-

1) Studien zur Urologie. Archiv des Vereins für gesellschaftliche Arbeiten zur Beförderung der wissenschaftlichen Heilkunde v. Vogel, Nasse et Beneke, November 1853. I. Band. 3. Heft.

2) Animal Chemistry. Pag. 49.

ganismo inferuntur, in sanguine in humorem alcalicum incident, unde fit, ut copia alcalium superflua oxydationem acidorum organicorum facile adjuvare possit; acida autem statu puro corpori illata, si magna satis ac tanta quidem eorum est copia, quantam disquisitionibus meis adbibui, naturam sanguinis alcalicam ideoque ejus facultatem oxydandi eo usque tollunt, quoad rursus per renes ex organismo remota sint.

Quoniam statu haec acida in urina inveniuntur? Si minores eorum adhibentur doses, acida alcalibus adstricta apparent, si majores, quales disquisitionibus meis sunt adhibitae, non aliter se res habere potest, quum sanguinem nullo modo adhuc vitiaverint corruprinentque; nam bona nos utimur valetudine, si unam acidorum illorum drachmam exhausimus. Sed, adhibitis his quoque pariter atque acidis mineralibus, accidit, ut salia acidula atque acida imbecilliora majorem urinae aciditatem provocent. Quod attinet ad celeritatem, qua acidum tartaricum et citricum excernatur, ex tabulis supra propositis patet, urinae aciditatem plerumque primis 24 horis post, quam quis sumpserit haec acida, incrementum capere, atque sequentibus dehinc 24 horis ad gradum fere normalem recidere.

### **Acidum succinicum.**

De acidi succinici in organismo ratione nihil in auctorum libris traditum invenimus. Post illius usum aciditas urinae manifesto augebatur, sumptis tum 15 gramm., tum unius drachmae dosibus; quae res argumento est, acidum succinicum statu integro in urinam

transire. Ceterum omnia, quae de acido tartarico et citrico sunt allata, eadem de acido succinico dici possunt.

### **Acidum benzoicum.**

Acidum benzoicum adhuc usque unicum fuit, quod Ure, hujus rei investigator, urinam fortiter acidam reddere certo contendit. Atque reliqua etiam illius acidioratio, qualis sit in organismo animali, saepius jam explorata est et disquisita; neque dubium amplius est, quin acidum benzoicum in tractu intestinali resorbeatur, deinde in sanguine in acidum hippuricum mutetur, mutatumque per renes rursus excernatur. Opinio ab Ure proposita meis quoque disquisitionibus comprobatur, quae in hominibus tribus diversis acidi copiam aequabili ratione accrescere, nec non primis 24 horis acidum omnino fere excerni demonstrarunt. Alia huc quoque objicitur quaestio, quoniam statu acidum benzoicum, quod in acidum hippuricum transformatum sit, in urina inveniatur. Quum, sicut testatur Lehmann, reactio urinae acida statu normali multis in casibus non solum ex praesente natro phosphorico acidulo se ex libero etiam acido hippurico et lacticо pendeat, tanto certius statuere poterimus, acidum hippuricum, quum nos quoque illud exploraremus, statu libero contentum fuisse.

An vero Ure recte contendit, acidum benzoicum urinam acidam reddere? Non possum equidem, quin

ei assentiam. Si autem porro statuit, acidum benzoicum aliis omnibus acidis officinalibus eo maxime praestare, quod urinam acidam reddat, non adducor, ut viro illi adstipuler. Idem manifestius intelliget aliquis, si even-  
tus in tabulis notatos cum iis comparaverit, quae Ure de ea re prodidit. Ejusmodi vero comparatio defen-  
ditur, si haec, quae sequuntur, respiciamus.

1. Acidorum mineralium, utpote fortiorum i. e. eorum, quae majorem in neutralizando requirunt alcalium copiam, doses relative minores, acidorum autem vegetabilium, quibus minor inest alcalium capacitas, doses relative maiores exhaustae sunt.

2. Acida omnia, de quibus experimenta institui, excepto acido benzoico in hippuricum mutato, in urina non ocurrunt nisi alcalibus adstricta, majorque urinae aciditas, qui est acidorum effectus, ab acidis semper imbecillioribus liberatis salibusque acidulis recens evolutis proficiuntur: quae principia acida unam eandemque copiam kali caustici ad neutralizationem exhibiti requirunt. Si igitur copiae kali superfluae in singulis experimentorum seriebus inter se congruunt, sententia illa, quae acida diversa eo sibi similia esse statuit, quod urinae aciditas iis aequabiliter augeatur, etiam defensa est.

Num vero disquisitiones a me institutae eventusque ex iis deducti, qui acida urinam acidorem reddere probant, ejusmodi sunt, quae ad usum transferri queant?

Lehmann<sup>1)</sup> jam ultiro doluit, acidum benzoicum

adeo etiam raro ac tum quidem plerumque ratione alienissima adhiberi, quum idem illud magis quam alia omnia acida officinalia urinam acidam faciat. Sed pari jure haec ejus opinio ad reliqua omnia acida referenda est. Nos quidem exponere conemur, quidnam ex acidis utilitatis praebeatur.

Acida inde ab omni tempore viri docti eo consilio adhibuerunt, ut ex usu illorum longiore diathesin urinae phosphaticam, quae dicitur, in uricam transformarent, vel etiam ejusmodi concrementa solverent. De hoc autem effectu mox dubitari coeptum est ab iis, qui acida adhibita statu libero in urina non occurere dicebant. Quod quidem vere judicatum erat, verumtamen, ut ex meis liquet disquisitionibus, post usum acidorum in urina alia existunt acida imbecilliora saliaque acidula, quae illam acidorem reddunt. Quemnam igitur effectum in diathesi phosphatica, quam dixi, acida praestant?

Primum jam respiciendum est, tantas acidorum doses, quantas nos sumpsimus, aegrotis nunquam expeditari posse, minores vero doses medicatas vim habere imbecillam, atque usu longiore concoctionem turbare et impedire. Deinde vero quaeritur, quatenus urina jam acidior reddit, postquam muco vesicae urinariae, in modum fermentorum statibus illis vitiosis agenti, obnoxia fuerit, indolem suam acidam etiamnum retineat, et quatenus ad concrementa vim solutricem exhibeat. Neque minus usu cognitum est, ubi jam strata exorta sint phosphatica, ibi eadem depositis aliis salibus saepe non amplius interrupti: quae tamen res non sine ulla exceptione statuenda est, nam inveniuntur concrementa,

1) Lehrbuch der physiologischen Chemie, 1850. Tom I.  
pag. 205.

quorum stratis phosphaticis strata quoque ammoniaci urici interjecta sunt. Num vero his in casibus diathesis phosphaticae in uricam mutatio praecipue acidis adhibitis attribui posset, de ea re nihil nobis certius traditum est. Nonnulli etiam auctores gravissimi, in his Berzelius et Golding-Bird, diathesin phosphaticam post usum acidorum in uricam unquam mutari posse negant. Itaque, ut semper fere et ubique, remotio causarum unica est, qua nobis contigerit, ut copiam phosphatum urina contentam ejusque reactionem alcalicam tollamus.

Vis igitur et efficacia acidorum in casu supra tradito ambigua et anceps habenda est.

Ure acido benzoico alias praeterea proprietates tribuit, nam concrementis arthriticis artuum nec non sabulo urico acidum illud adhibendum commendat, quum ea ratione pro uratibus parum solubilibus salia hippurica facile solubilia recipientur, sperans fore, ut praesente acido benzoico pars acidi urici in acidum hippuricum transformetur, aut fortasse jam prima acidi urici evolutio (e. g. ex substantiis proteinis) aliquo modo impediatur. Sed haec spes novissimo tempore ad irritum redacta est disquisitionibus eertis, quae copiam acidi urici urina contentam, praesente simul acido hippurico, eandem manere testantur.

## T h e s e s .

- 1) Tuberculosis non est hereditaria.
- 2) Idem exsudatum in tumorem vel bonae vel malae indolis verti potest.
- 3) Cauterizatio ulceris syphilitici primarii rejicienda est.
- 4) Ad sanandam syphilidem constitutionalem praeparata hydrargyri mitiora sufficiunt.
- 5) Detractio sanguinis non est instituenda in curatione bronchitidis cruposae infantium.
- 6) Gelatina non est alimentum.